

NO' CCHJIU' SUDDITI, MA FILICI...

Gèsu, Gèsu, Gèsu, nò sinni po' cchjiù.
Si sentunu còsi chi fannu 'ttirri,
'a malatjia 'ò cori fannu vènniri.
U' 'mmazza 'mmazza è fattu friquenti,
si spara comu fussi cosa 'i nenti,
e sunnu càsi chi fannu scantari.
Pi' nò parari poi di cetti 'vvinimenti,
chiddu ca' cumminunu i' politicanti
robbunu cu' tanta faccia tosta
chi t'avviliscunu all'istanti.
Eppuru si manciunu nu capitali
cchjiù chiddu ca' si 'mmuccunu in dinari,
mentri ogni misi no pagunu i lavuraturi,
chi pi' campari fannu sàuti amari.
Vaddàri no si po' 'a televisioni
ca' ti fa u' cori 'ntossicari
e ntà bucca i' 'll'anima ti potta duluri.
'I peggju in peggju, povireddu 'i mja.
Eppuru no semu cchjiù sudditi comu na' vota,
comu d'icinu i' capoccia libirali,
ma vivemu filici in democrazia
e semu ridutti comu l'animali.